

დედოფლისწყაროს მუნიციპალიტეტის საკრებულოს

დადგენილება №6
2024 წლის 27 თებერვალი

ქ. დედოფლისწყარო

„დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამისა და მისი ბიუჯეტის დამტკიცების შესახებ“ დედოფლისწყაროს მუნიციპალიტეტის საკრებულოს 2023 წლის 20 დეკემბრის №28 დადგენილებაში ცვლილების შეტანის თაობაზე

საქართველოს ორგანული კანონის „ნორმატიული აქტების შესახებ“ მე-20 მუხლის მე-4 პუნქტის შესაბამისად, დედოფლისწყაროს მუნიციპალიტეტის საკრებულო ადგენს:

მუხლი 1

„დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამისა და მისი ბიუჯეტის დამტკიცების შესახებ“ დედოფლისწყაროს მუნიციპალიტეტის საკრებულოს 2023 წლის 20 დეკემბრის №28 დადგენილებაში (www.matsne.gov.ge, 21.12.2023 წ., სარეგისტრაციო კოდი: 190040000.35.169.016552) შეტანილ იქნეს შემდეგი ცვლილება:

1. დადგენილებით დამტკიცებული დანართ 1-ის („დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამა“) მე-5 მუხლის მე-18 პუნქტი ჩამოყალიბდეს ახალი რედაქციით:

„18. ფაშიზმზე გამარჯვების საიუბილეო დღესთან დაკავშირებით მეორე მსოფლიო ომის მონაწილეზე ფულადი დახმარების ოდენობა შეადგენს 500 (ხუთასი) ლარს ერთჯერადად;“.

2. დადგენილებით დამტკიცებული დანართ 1-ის („დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამა“) მე-5 მუხლის მე-20 პუნქტი ჩამოყალიბდეს ახალი რედაქციით:

„20. საიუბილეო დღესთან დაკავშირებით, 100 და 100 წელზე ზევით ხანდაზმულ მოქალაქეზე ერთჯერადი ფულადი დახმარება შეადგენს 500 (ხუთასი) ლარს;“.

3. დადგენილებით დამტკიცებული დანართ 1-ის („დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამა“) მე-5 მუხლის 21-ე პუნქტი ჩამოყალიბდეს ახალი რედაქციით:

„21. დემოგრაფიული მდგომარეობის გაუმჯობესების მიზნით, ახალდაბადებულ ბავშვიან ოჯახებზე (სადაც ორივე მშობელი ან მარტოხელა მშობელი რეგისტრირებულია დედოფლისწყაროს მუნიციპალიტეტის ტერიტორიაზე) ერთჯერადი ფულადი დახმარება შეადგენს:

ა) პირველი შვილის შემენისას – 500 (ხუთასი) ლარის ოდენობით;

ბ) მეორე შვილის შემენისას – 500 (ხუთასი) ლარის ოდენობით;

გ) მესამე შვილის შემენისას – 700 (შვიდასი) ლარის ოდენობით;

დ) მეოთხე და შემდგომი შვილის შემენისას – 1000 (ერთი ათასი) ლარის ოდენობით.“.

4. დადგენილებით დამტკიცებული დანართი 2 („დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამის ბიუჯეტი“) ჩამოყალიბდეს ახალი რედაქციით თანდართული დანართის შესაბამისად (დანართი დადგენილებას თან ერთვის).



მუხლი 2

დადგენილება ამოქმედდეს გამოქვეყნებისთანავე.

დედოფლისწყაროს
მუნიციპალიტეტის საკრებულოს
თავმჯდომარე

ნუგზარ პაპიაშვილი

დანართი

დედოფლისწყაროს მუნიციპალიტეტის ტერიტორიაზე რეგისტრირებული მოქალაქეების მინიმალური სოციალური დახმარების 2024 წლის პროგრამის ბიუჯეტი

| № | დასახელება | სოციალური დახმარების მოცულობა (ლარი) | |
|---|--|--------------------------------------|---------|
| | | ერთ ბენეფიციარზე ან ოჯახზე | სულ |
| 1 | 1. უფასო კვების ობიექტის დაფინანსება | | 312700 |
| 2 | 2. სამშობლოს დაცვისას დაღუპულთა და ომის შემდეგ გარდაცვლილ მეომართა სარიტუალო მომსახურების დაფინანსება | 300 ლარი | 1000 |
| 3 | 3. სოციალურად დაუცველი მოსახლეობის დახმარება | | 700 000 |
| 4 | ა) მშშს, შშს მქონე არასრულწლოვან ბავშვთა, ობოლ და მარჩენალდაკარგულ ბავშვთა, მარტოხელა მშობელთა, მრავალშვილიან მშობელთა (ერთი, ორი ან სამი არასრულწლოვანი ბავშვით მათ შორის გერი შვილ(ებ)ი), საქართველოს ტერიტორიული მთლიანობისათვის ბრძოლაში დაღუპულისა და მეორე მსოფლიო ომის მონაწილის ოჯახთა ყოველთვიური ფულადი დახმარება, მოხმარებული ელექტროენერჯის ან ბუნებრივი აირის ღირებულების დასაფარად, ბენეფიციარის არჩევანის შესაბამისად | 18 ან 22 ლარი ყოველთვიურად | 45 000 |
| 5 | ბ) საქართველოს ტერიტორიული მთლიანობისათვის ბრძოლაში დაღუპულის (რომელიც რეგისტრირებული იყო დედოფლისწყაროს მუნიციპალიტეტში) ოჯახის ფულადი დახმარება | 1000 ლარი ერთჯერადად | 11000 |
| 6 | გ) ფაშიზმზე გამარჯვების საიუბილეო დღესთან დაკავშირებით მეორე მსოფლიო ომის მონაწილეზე | 500 ლარი ერთჯერადად | 500 |



| | | | |
|----|--|---|---------|
| | ფულადი დახმარება | | |
| 7 | დ) ხანძრით, მიწისძვრით, ბუნებრივი კატასტროფით, სხვა განსაკუთრებული შემთხვევით დაზარალებული, უსახლკარო და ავარიული საცხოვრებელი სახლის (ადამიანის სიცოცხლისთვის საფრთხის შემცველი) მფლობელი ოჯახების ყოველთვიური ბინის ქირით უზრუნველყოფა | 105.27 ლარამდე ყოველთვიურად (საშემოსავლო გადასახადის ჩათვლით) | 20 000 |
| 8 | ე) საიუბილეო დღესთან დაკავშირებით, 100 და 100 წელზე ზევით ხანდაზმულ მოქალაქეზე ფულადი დახმარება | 500 ლარი ერთჯერადად | 4 000 |
| 9 | ვ) დემოგრაფიული მდგომარეობის გაუმჯობესების მიზნით, ახალდაბადებულ ბავშვიანი ოჯახების (სადაც ორივე მშობელი ან მარტოხელა მშობელი რეგისტრირებულია დედოფლისწყაროს მუნიციპალიტეტის ტერიტორიაზე) ერთჯერადი ფულადი დახმარება (2023 წლის ვალდებულებების გათვალისწინებით) | თითოეულ ბავშვზე 500, 700 ან 1000 ლარი ერთჯერადად | 86 000 |
| 10 | ზ) ჰემოდიალიზზე მყოფი მოქალაქისათვის სამკურნალო სენსების ჩასატარებლად, ტრანსპორტირების ხარჯის უზრუნველყოფის მიზნით ფულადი დახმარება | 200 ლარი ყოველთვიურად | 35 000 |
| 11 | თ) მრავალშვილიანი ოჯახის (სადაც იზრდება ოთხი და მეტი შვილი, მათ შორის გერი შვილ(ებ)ი და ოთხი მაინც არის არასრულწლოვანი) ფულადი დახმარება | თითოეულ ბავშვზე 50 ლარი ერთჯერადად | 23 000 |
| 12 | ი) სამედიცინო მომსახურების დაფინანსება ან თანადაფინანსება (2023 წლის ვალდებულებების გათვალისწინებით) | 500 ლარამდე | 28 4900 |
| 13 | კ) სოციალურად დაუცველი მოქალაქეების გათბობის ხარჯით უზრუნველყოფა | 100 ლარი ერთჯერადად | 80 000 |
| 14 | ლ) აუტიზმისა და დაუნის სინდრომის მქონე არასრულწლოვან ბავშვთა ოჯახზე ფულადი დახმარება | 500 ლარი ერთჯერადად | 10 000 |
| 15 | მ) რეაბილიტაცია/აბილიტაციის სახელმწიფო პროგრამით მოსარგებლე 18 წლამდე ასაკის შშმ პირის ტრანსპორტირების ხარჯის | 50, 100 ან 200 ლარი ყოველთვიურად | 25 000 |



| | | | |
|----|--|-----------------------|---------------------|
| | დაფინანსება | | |
| 16 | ნ) გლუტენისადმი მგრძობიარე „ცელიაკის დიათეზით“ დაავადებულ არასრულწლოვან ბავშვისთვის სპეციალური საკვები პროდუქტების მასაშენად ფინანსური დახმარება | 150 ლარი ყოველთვიურად | 4 000 |
| 17 | ო) სუბსიდია - სოციალურად დაუცველი მოსახლეობის, ხანდაზმულთა, იძულებით გადაადგილებულ პირთა და ზოგადად მოწყვლადი მოსახლეობის ჯანმრთელობის მდგომარეობის გაუმჯობესება დედოფლისწყაროს მუნიციპალიტეტის ქალაქსა და სოფლებში. | — | 71 600 |
| | სულ: | | 1 013700 |

